

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH



~~BOSNA I HERCEGOVINA~~
~~PARLAMENTARNA SKUPŠTINA BOSNE I HERCEGOVINE~~
S A R A J E V O

Broj: 05/7-39-1-158-15,1/24

Sarajevo, 25. 1. 2024.

PRIMLJENO: <i>16-03/24</i>			
Organizaciona jedinica	Klasifikaciona oznaka	Radni broj	Broj priloga

ZAPISNIK

15. sjednice Vijeća nacionalnih manjina BiH, održane 25. 1. 2024.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Hakan Varan, Violeta Džolan, Dejan Piotrovski, Miroslav Bobrek i Željko Vaško.

Odsustvo je pravdala Dragica Tešić.

Sjednici je prisustvovala i: Vladana Savić, stručna savjetnica u Sektoru za druga parlamentarna tijela.

Za sjednicu je predložen sljedeći

DNEVNI RED

1. Razmatranje Prijedloga zapisnika 14. sjednice Vijeća nacionalnih manjina BiH;
2. Razmatranje Nacrta izvještaja o radu Vijeća nacionalnih manjina BiH za 2023. godinu;
3. Razmatranje Nacrta plana rada Vijeća nacionalnih manjina BiH za 2024. godinu;
4. Tekuća pitanja.

Nakon uvodnih riječi predsjedavajućeg, dnevni red usvojen je jednoglasno.

Ad. 1. Razmatranje Prijedloga zapisnika 14. sjednice Vijeća nacionalnih manjina BiH

Nakon uvodnih napomena predsjedavajućeg, Zapisnik je jednoglasno usvojen.

Ad. 2. Razmatranje Nacrta izvještaja o radu Vijeća nacionalnih manjina BiH za 2023. godinu

U raspravi koja je uslijedila učestvovali su Mujo Fafulić, Velibor Kuvač, Miroslav Bobrek i Todorca Jovanović.

Velibor Kuvač predložio je da se u Izvještaj o radu Vijeća nacionalnih manjina BiH unesu informacije o medijskim istupima članova Vijeća, ukoliko su imali priliku govoriti za medije o pravima, položaju, interesima i aktivnostima nacionalnih manjina u Bosni i Hercegovini. Također, predložio je da članovi Vijeća nacionalnih manjina BiH ubuduće redovno na sjednicama Vijeća izvještavaju o medijskim istupima.

Mujo Fafulić i Todorca Jovanović informirali su prisutne o gostovanju u medijima i temama o kojima su izlagali.

Miroslav Bobrek govorio je o nadležnostima Vijeća nacionalnih manjina BiH definiranim Odlukom o Vijeću nacionalnih manjina Bosne i Hercegovine. Posebno je istakao da Vijeće daje mišljenja, savjete i prijedloge Parlamentarnoj skupštini BiH o pitanjima koja se tiču prava, položaja i interesa nacionalnih manjina u Bosni i Hercegovini.

Po okončanju rasprave, a na prijedlog predsjedavajućeg, Nacrt izvještaja o radu Vijeća nacionalnih manjina jednoglasno je usvojen s predloženim korekcijama.

Ad. 3. Razmatranje Nacrta plana rada Vijeća nacionalnih manjina BiH za 2024. godinu

U iscrpnoj raspravi o ovoj tački dnevnog reda koja se odnosila na planove i aktivnosti Vijeća u 2024. godini, učestvovali su Franjo Rover, Miroslav Bobrek, Mujo Fafulić, Velibor Kuvač, Dejan Piotrovski, Ernest Grin, Davor Ebner, Željko Vaško i Igor Kotjelnikov.

Franjo Rover ukazao je na neophodnost održavanja sastanka članova Vijeća nacionalnih manjina BiH sa Zajedničkom komisijom za ljudska prava PSBiH, kao i sastanka s klubovima političkih stranaka u PSBiH na kojima bi se razgovaralo o izmjenama Izbornog zakona BiH. Također, predložio je održavanje sastanka s predstavnicima Ministarstva za ljudska prava i izbjeglice BiH, predstavnicima Misije OSCE-a u BiH i predstavnicima Sekretarijata PSBiH u vezi s organizacijom i održavanjem Prve konferencije o nacionalnim manjinama u BiH. Posebno je naglasio prijedlog da se Prva konferencija o nacionalnim manjinama u BiH održi najkasnije do kraja maja 2024, te da se novi termin unese u Plan rada za 2024. godinu.

Članovi Vijeća jednoglasno su prihvatili prijedlog.

Velibor Kuvač predložio je da se održi sastanak s predstavnicima Ministarstva za ljudska prava i izbjeglice BiH, te da se predstavnici Ministarstva redovno pozivaju na sjednice Vijeća. Također, istakao je da je potrebno što prije početi s pripremama za održavanje Prve konferencije o nacionalnim manjinama BiH.

Po okončanju rasprave, a na prijedlog predsjedavajućeg, Nacrt plana rada Vijeća nacionalnih manjina za 2024. godinu jednoglasno je usvojen s predloženim korekcijama.

Ad. 4. Tekuća pitanja:

- U okviru ove tačke dnevnog reda raspravljalo se o neophodnosti uključivanja Vijeća nacionalnih manjina BiH u proces izmjene Izbornog zakona BiH.

U raspravi su učestvovali Mujo Fafulić, Velibor Kuvač, Davor Ebner, Miroslav Bobrek Dejan Piotrovski, Igor Kotjelnikov i Ernest Grin.

Učesnici u raspravi ukazali su na probleme s kojima se susreću pripadnici nacionalnih manjina a koji se odnose na ograničavanje njihovih prava u vezi sa izbornim procesom i zloupotrebama prilikom izjašnjavanja o nacionalnoj pripadnosti. Predloženo je angažiranje pravnog eksperta koji bi pomogao članovima Vijeća nacionalnih manjina da pripreme prijedloge koji bi tretirali probleme nacionalnih manjina, a koji se odnose na izmjene Izbornog zakona.


Također, predloženo je da administrativno-tehnička služba svim članovima Vijeća dostavi prečišćeni tekst i Prijedlog zakona o izmjenama i dopunama Izbornog zakona koji je u parlamentarnoj proceduri.

Naredna sjednica Vijeća planirana je za februar 2024, s početkom u 17 sati.

Sjednica je završena u 18.35 sati.

**Stručna savjetnica u
Sektoru za druga parlamentarna tijela**

Vladana Savić



**Predsjedavajući
Vijeća nacionalnih manjina BiH**

Mujo Fafulić

